



مشختہ جلیلہ اسلامیہ نک جریده رسیہ سیدر

شعبان المعظم ۱۳۳۴ [*]

عدو: ۲۶

آیدہ بر نشر اول نور

اوجہ خبی سنہ

قوانين ونظم

٤٠٠، ٠٨١، ٢٩ ليرالقي اوراق نقديه اخراجنه متداثر ٨ شوال ١٣٣٤ تاريخي قانون موقتك
الغاسي حقنده قانون موقت [*]

ماده : ١ المانيا دولتك آلتون ايله واجب التاديه يكرمي طقوز مليون سكسان
برييك درت يوز ليرالقي خزينه تحويلاتك ديون عمومية عثمانيه اداره سنه توديعيله مقابلنده اول
مقدار اوراق نقديه اخراجنه وقرعانه دائر اولان ٨ شوال ١٣٣٤ و ٢٥ تموز ١٣٣٢
تاريخي قانون الفا ايدلمشدر .

ماده : ٢ اشبو قانونك اجراسنه ماليه ناظري مأذوندر .

ماده : ٣ اشبو قانون تاريخ نشرندن معتبردر .

مجلس عمومينك كشادنده قانونيتي تكليف اولمق اوزره اشبولايحه قانونيه نك موقتاً
مرعيتي وقوانين دولته علاوه سني اراده ايلدم .

٢٠ شوال ١٣٣٤ ٦ اغستوس ١٣٣٢

محمد رشاد

صدر اعظم
محمد سعيد

ماليه ناظر وكيلى
طلعت

* *

٣٠، ٠٠٠، ٠٠٠ ليرالقي اوراق نقديه اخراجنه ماليه نظارتك مأذونيتي متضمن قانون موقت (**)

ماده : ١ ١٤ تموز ١٣٣٢ تاريخي قانون موقده مذكور اولان يكرمي بش
مليون ليرالقي خزينه تحويلاتي ده داخل اولديني حالده آلمانيا دولتك التون ايله واجب التاديه
اوتوز مليون ليرالقي خزينه تحويلتي ديون عمومية عثمانيه اداره سنه بالتوديع مقابلنده
بومبلغه مساوي اوراق نقديه اخراجنه ماليه نظارتى مأذوندر .

ماده : ٢ برنجي ماده موجب اخراج اولنه جق اوراق نقديه بدللري صلحك
عقدندن ايكي سنه صكره ابتدار ايدملك وهر سنه خمسي تداولدن رفع اولمق صورتيله
بش سنه ظرفنده تاديه ايديله جكددر .

ماده : ٣ اوراق نقديه نك تاديه بدللري ايجون مبدأ تعيين اولنان تاريخندن
اعتباراً اون سنه ظرفنده ابراز اولميانلري خزينه لهنه مرور زمانه اوغرايه جكددر .

[*] (***) تقويم وقايع ايله نشري تاريخي : ٢٢ شوال ١٣٣٤ و ٨ اغستوس ١٣٣٢، نومروسى : ٢٦٢٢

ماده : ۴ اوراق نقدیه نك مجبورى التداول اولديغنه دائر اولان ۱۸ تشرین اول ۱۳۳۱ تاریخی قانونك ایکنجی ماده سی احکامی اشبو قانون موجبجه اخراج اولنه جق اوراق نقدیه حقنده دخی جاریدر .

ماده : ۵ اشبو قانونك اجرای احکامنه عدلیه ومالیه ناظرلری مأمورددر .

ماده : ۶ اشبو قانون تاریخ نشرندن معتبردر .

مجلس عمومینك انعقادنده قانونیتی تکلیف اولنق اوزره اشبولایحه قانونیه نك موقتاً مرعیتنی وقوانین دولته علاوه سنی اراده ایلدم .

۲۰ شوال ۱۳۳۴ ۶ اغستوس ۱۳۳۲ محمد رشاد

عدلیه ناظروکیلی	مالیه ناظروکیلی	صدراعظم
خلیل	طلعت	محمد سعید

* *

۱۰ ذی القعدة ۱۳۳۲ تاریخی اصلاح مدارس نظامنامه سنك ۱۳ نجی ماده سنده برفقره نك الناسی حقنده مواد نظامیه [*]

ماده : ۱ ۱۰ ذی القعدة ۱۳۳۲ تاریخی اصلاح مدارس نظامنامه سنك اون اوچنجی ماده سنك « اجازتنامه آلا نلر مدرسلک عنواتی احراز ایدرك استانبول رؤس هایوننه نائل اوله جقلى » حقنده کی فقره سی ملغادر .

ماده : ۲ اشبو نظامنامه تاریخ نشرندن معتبردر .

ماده : ۳ اشبو نظامنامه نك اجراسنه مقام مشیخت مأمورددر .

اشبو لایحه نظامیه نك موقع مرعیته وضعنی وقوانین دولته علاوه سنی اراده ایلدم .
۴ ذی القعدة ۱۳۳۴ ۲۰ اغستوس ۱۳۳۲

محمد رشاد

داخلیه ناظری ومالیه ناظروکیلی	حربییه ناظری وبجریه ناظروکیلی	شیخ الاسلام	صدراعظم
طلعت	انور	موسی کاظم	محمد سعید
نافعه ناظری	شورای دولت رئیس و اوقاف هایون ناظروکیلی	خارجیه ناظری وعدلیه ناظروکیلی	
عباس	ابراهیم	خلیل	
	تجارت وزراعت ناظروکیلی	معارف ناظری و پسته وتلغراف	
	احمد نسیمی	وتله فون ناظروکیلی	
		احمد شکری	

[*] تقویم وقایع ایله نشری تاریخی : ۶ ذی القعدة ۱۳۳۴ و ۲۲ اغستوس ۱۳۳۲، نومروسى : ۲۶۳۶

حربك دواى مدتيجه معاشاته اجرا قلنه جق ضائم حقنده قانون موقت [*]

ماده : ۱ ذات حضرت پادشاهی ایله خاندان سلطنت اعضای کرامنه مخصصات شهریه لرینک یوزده اون بشی نسبتنده وموازنه عمومیه یه داخل دوائر ملکیه بودجه لرینک معاشات فصل لرندن معاش واجرت آلمقده بولنان بالعموم مأمورین ومعلمین ومستخدمین ایله مخصصات ذاتیه میاننده معاش آلمقده اولان عسکری وملکی وعلمی متقاعدین وایتام واراملندن ومعزولین ملکیه وعلمیه دن شهری بیک غروشه قدر معاش آلانلره معاش لرینک یوزده یکرمیسی وبیک غروشدن فضله معاش آلانلره معاش لرینک یوزده اون بشی نسبتنده تخصیصات فوق العاده شهریه اعطا ایدیه جقدر .

ماده : ۲ بری وبجری بالعموم ارکان وامرا وضابطان ومأمورین ومنسویین عسکریه یه ده تخصیصات لرینک ربی ضمیمه اعطا قلنه جقدر .

ماده : ۳ اشبو تخصیصاتك ایلول ۱۳۳۲ ابتدا سندن بالاعتبار حرب عمومینك نهایته قدر تسویه سنه دوام اولنه جقدر .

ماده : ۴ سالف الذکر تخصیصات عائدات تقاعديه وحرب ویرکوسی وطرق ولایات حصه سی وسائر نام ایله برکونا توقیفاته تابع اولمدینی کبی دین مقابلی حجز دخی ایدیه منر وتقاعد ومعزولیت وایتام معاشی تخصیصنده نظر دفته آلماناز .

ماده : ۵ اشبو قانونك حکمی نشری تاریخندن صکره مجدداً وعلاوة تخصیص اولنه جق معاشاته دخی شاملدر .

ماده : ۶ مذکور تخصیصات قارشوانی اوله رق مربوط جدوله محرر اولدینی اوزره دوائر ملکیه بودجه لريله ژاندارمه ، اعمالات حربیه ، عسکری تیمور یوللر ولیمانلر مدیریت عمومیه سی بودجه لرینه یوز اوتوز یدی میلیون بش یوز بیک غروش فوق العاده تخصیصات علاه اولمشدر . حربیه وبجریه مخصصاتی سفر برلك تخصیصات عمومیه سندن تسویه اولنه جقدر .

ماده : ۷ اشبو قانون تاریخ نشرندن معتبردر .

ماده : ۸ اشبو قانونك اجراسنه مالیه ناظری مأمورددر .

[*] تقویم وقایم ایله نشری تاریخی : ۲۲ ذی القعدة ۱۳۳۴ و ۷ ایلول ۱۳۳۲

نومروسی : ۲۶۵۲

مجلس عمومینک کشادنده قانونیتی تکلیف اولتیق اوزره اشبو لایحه قانونیه نك موقتاً
موقع اجرایه وضعی و قوانین دولته علاوه سنی اراده ایلدم .
۲۰ ذی القعدة ۱۳۳۴ ۵ ایلول ۱۳۳۲

محمد رشاد

صدر اعظم
محمد سعید

مالیه ناظر وکیل
طلعت

جدول

غروش	اسامی دوائر
۵۰۰۰۰۰۰	ذات حضرت پادشاهی و خاندان سلطنت
۳۰۰۰۰۰۰	مجلس عمومی
۶۰۰۰۰۰۰	دون عمومی
۷۵۰۰۰۰۰	مالیه نظارتی
۳۰۰۰۰۰۰	دیوان محاسبات
۲۵۰۰۰۰۰	رسومات مدیریت عمومی
۸۵۰۰۰۰۰	دفتر خاقانی
۴۵۰۰۰۰۰	پسته و تلفرات و تلفون نظارتی
۳۰۰۰۰۰۰	دائرة صدارت
۲۵۰۰۰۰۰	شورای دولت دائرة
۵۰۰۰۰۰۰	داخلیه نظارتی
۱۲۰۰۰۰۰	صحیه مدیریت عمومی
۴۵۰۰۰۰۰	امنیت عمومی مدیریتی
۴۰۰۰۰۰۰	عشائر و مهاجرین مدیریت عمومی
۱۲۰۰۰۰۰	خارجیه نظارتی
۴۵۰۰۰۰۰	علمیه دائرة
۶۰۰۰۰۰۰	عدلیه و مذاهب نظارتی
۴۵۰۰۰۰۰	معارف عمومی
۱۲۰۰۰۰۰	نافعه
۳۰۰۰۰۰۰	تجارت و زراعت
۱۵۰۰۰۰۰	اعمالات حربیه مدیریت عمومی
۳۰۰۰۰۰۰	عسکری تیمور پوللر و لیمانلر مدیریت عمومی
۲۰۰۰۰۰۰	ژاندارمه دائرة

حربك دواى مدتيجه مأمورين ومستخدمين اوقاف معاشاته اجراقلنه جق ضمايم حقنده قانون موقت [*]

ماده : ۱ اوقاف نظارتك مركز و طشرده يوزده اون ايكي عائدات تقاعديه ويرمك صورتيه معاش آلان مأمورين ومستخدميني ايله عسكروه كيدنلرك معاشاتي موقوفاتندن اجرت آلان مأمورين ومستخدميندن معاش واجوراتي بيك غروشه قدر اولانلره معاش واجرتلرينك يوزده اون بشى نسبتنده تخصيصات فوق العاده شهریه اعطا ايديله جقدر .

ماده : ۲ سالف الذكر تخصيصاتدن كرك عائدات تقاعديه وحرب ويركوسى وكرك طرق ولايت حصه سى وساثر نام ايله بركونا توقيفات اجرا ايديله چكى كې اشبو تخصيصاتك دين مقابلنده حجزى دخى جائز اوله ماز .

ماده : ۳ اشبو قانونك حكمى نشرى تاريخندن صكره مجدداً وعلاوةً تخصيص اولنه جق معاشاته دخى شاملدر .

ماده : ۴ علاوةً ويريله جك اشبو تخصيصاتك مركزه مائد قسمى بودجهنك برنجى معاشات فصلنك بشنجى ماده سندن آلتى يوزبيك غروشك فصل مذكورك موادعائده سنه مناقله صورتيه تدارك وتأمين اولنه جفى كې طئرميه مائد قسمى بودجهنك مصارف عموميه سنه نظراً واردات عموميه سنده فضله بولنان مبالغدن آلتى يوز آلتش بيك غروشك قارشولق اتخاذيله آچيله جق فصل مخصوصندن تخصيصات فوق العاده اوله رق تسويه اولنه جقدر .

ماده : ۵ اشبو تخصيصاتك ايلول ۱۳۳۲ ابتدا سندن بالاعتبار حرب عمومينك نهايته تدر تسويه سنه دوام اولنه جقدر .

ماده : ۶ اشبو قانونك حكمى تاريخ نشرنندن معتبردر .

ماده : ۷ اشبو قانونك اجرا سنه اوقاف ناظرى مأمورددر .

مجلس عمومينك اجتماعنده قانونيتى تكليف اولتمق اوزره اشبولايحه قانونيهنك موقتاً مرعيتنى وقوانين دولته علاوم سنى اراده ايلدم .

۲۳ ذى القعدة ۱۳۳۴ ۸ ايلول ۱۳۳۲

محمد رشاد

اوقاف ناظر و كلى
ابراهيم
صدراعظم
محمد سعيد

[*] تقويم وقايع ايله نشرى تاريخى : ۲۷ ذى القعدة ۱۳۳۴ و ۱۲ ايلول ۱۳۳۲،
نوصروسى : ۲۶۵۷

محاکم عدلیه ایله دیوان حربلر آره سنده مرجع دعوی حقنده ظهور ایدہ جک اختلافاتک صورت
حلنه دائر قانون موقت [*]

ماده : ۱ محاکم عدلیه ایله دیوان حربلر آره سنده مرجع دعوی حقنده ظهور
ایدہ جک اختلافات شورای دولت رئیسک تحت ریاستنده اولق اوزره اوچی محکمہ
تمیز راوچی دیوان تمیز عسکریجه ایچلرندن منتخب آلتی اعضادن متشکل برانجمن
مخصوص معرفتیه تدقیق وقراره ربط ایدیلیر اشبو انجمنک قراری قطعیدر .

ماده : ۲ بوقانون تاریخ نشرندن اعتباراً مرعی الاجرادر .

ماده : ۳ بوقانونک اجراسنه حربیه و بحریه و عدلیه ناظرلری مأمورددر .
مجلس عمومینک اجتماعنده قانونیتی تکلیف اولمق اوزره اشبو لایحه قانونیه نک
موقاً مرعیتنی وقوانین دولته علاوه سنی اراده ایلدم .

۲۷ ذی القعدة ۱۳۳۴ ۱۲ ایلول ۱۳۳۲

محمد رشاد

عدلیه ناظر وکیل احمد نسیمی
حربیه و بحریه ناظرلری وکیل طلعت
صدراعظم محمد سعید

★
★ ★

درسعادتده براخراجات هیئت تشکیلی حقنده قانون موقت [**]

ماده : ۱ ممالک عثمانیه دن اخراج ایدیلہ جک اولان کافہ اشیا ایکنجی ماده ده
کوستریلن هیئت طرفندن اعطا ایلمش براخراج وثیقه سنک استیصالیه امرار اولنه بیلیر.
ماده : ۲ اخراج وثیقه سنی اعطا ایتک ایچون استانبولده تجارت وزراعت ناظرینک
ریاستی آلتنده اعضاسنک نصفی تجارندن اولق اوزره مجلس وکلاجه تعین اولنه جق
ذواتدن مرکب بر هیئت تشکیل اولنه جقدر .

اشبو هیئتک ولایت ومستقل لوا مرکز لریله قضا لرده واسطه اجراییه سی اولق اوزره

[*] تقویم وقایع ایله نشری تاریخی : ۳۰ ذی القعدة ۱۳۳۴ و ۱۵ ایلول ۱۳۳۲

نومروسی : ۲۶۶۰

[**] تقویم وقایع ایله نشری تاریخی : ۲۹ ذی القعدة ۱۳۳۴ و ۱۴ ایلول ۱۳۳۲

نومروسی : ۲۶۵۹

اك بيوك ملكيه مأمورينك رياستی آلتندە مجلس اداره نك منتخب اعضاسندن بريله تجار معتبرەدن آلنه حق برزادن مركب تالى هيئتلىر تشكيل ايديله جكدرد .

ماده : ۳ اخراج اولنه حق كافه اشيانك كرك مبايعه وكرك توسط صورتيله اخراجنده ممالك عثمانيه ده تأديه ايديلسى ايجاب ايدن فيأت ايكنجى ماده ده بيان اولنان استانبول اخراج هيئتجه تعيين اولنه جكدرد .

ماده : ۴ اخراجات اشياى بولنان كيمسەلر بواشيانك مقداره جنس ونوعيله هانكى محلك محصولى اولديغنى واليوم نرەده بولنديغنى وهانكى محله تسليم ايديله بيله جكنى استانبول مركز هيئته ويا اخراجات شعبه لرینه بر بياننامه ايله بيلديره جكلردرد . شعبه لر كنديلرينه اعطا اولنان بياننامه لر مندرجاتى صحتنه واشيانك موجوديته قناعت ايتدكلرى تقديرده مركز هيئته بيلديره جكلردرد .

اشيا اخراج ايتك ايسته ينلر طوغرىدن طوغرى يه مركز هيئته مراجعت ايدە جكلر وكافه مقاولات هيئت مذكوره جه عقد اولنه جكدرد .

ماده : ۵ اشبو قانونك تاريخ نشرندن مقدم اخراج اولنق اوزره صاتون آلنان اشيانك اخراج ايدنلر طرفندن تأديه ايديلى مبايعه فيأتى استانبول اخراجات هيئتجه دون كورلديكى تقديرده هيئت مذكوره جه معتدل برفيأت تقدير وتعيين اولنه رق اشبو فرق فيأت خزينه جليله نامه اخراج ايدندن استيفا اولنه جكدرد .

ماده : ۶ اخراجات اشياى ايچون مستحصللره ويا طوغرىدن طوغرى يه اخراج ايتيان تاجرلره اعطاسى ايجاب ايدن فيأت هر مقاوله نك ختام عقدنده اخراجات هيئتجه هر طرفه وسائط ممكنه ايله اعلان ايديله جكدرد .

ماده : ۷ اخراجات هيئتى اخراجنه مساعده ايدە جكى مواد ومعمولات عثمانيه نك امرارينه مقابل مواد ومعمولات اجنبية ادخال ايديلسى شرطى وضعه حائز صلاحيتدر .

ماده : ۸ اشبو قانونك تأمين تطبيقى ايچون ايجاب ايدن تدابير بر نظامنامه ايله اتخاذ اولنه جكدرد .

ماده : ۹ اشبو قانون ويا آنك تطبيققانه عائد اوامر ومقررات احكامنه مغاير حركت ايدنلر، ساخته بيانانده بولنانلر واحكام قانونيه نك حسن تطبيققانه مانع اولق ايچون حيله ووسائل استعمال ايدنلر صلح حاكملى وبونلرك بولنديغى محللرده صلح حاكملى اصول حاكمه سنه توفيقاً بدايت محكمه لرى طرفندن بر هفته دن آلتى آيه قدر حبس ويابش ليرادن بيك ليرايه قدر جزاى نقدى يه محكوم ايديله جكلردرد .

ماده : ١٠ كرك سكرنجي ماده موجبنجه محكوم اولانلر كرك محكوم اولمقسزین استانبول اخراجات هیئتجه سوء استعمال وساخته كارلغنه وحيله و دسائسنه فاعت حاصل اولنلر اشبو قانونك دوامی مدتجه استانبول اخراجات هیئتی طرفندن اجرای تجارتدن منع اولنه بیلور .

ماده : ١١ هیئتك مصارف ابتدائیه ودائمه سنی تامین ایتك اوزره مالیه نظارتی بودجه سنه الی بیک لیرا تخصیصات فوق العاده ضم اولنه جقدر .

ماده : ١٢ هیئت طرفندن اعطا اولنان اخراج وثیقه لرینك محتوی اولدینی اشیا وموادك قیمتلی اوزرینه حد اعظمیسی یوزده اونی تجاواز ایتماك اوزره براخراج رسمی طرح اولنه رق وثیقه بی آلانلردن استیفا ایدیه جقدر . هر قلم اشیا حقنده کی رسومك مقداری مشعر جدوللر مجلس وكلاجه تصدیق اولندقدن صكره اخراجات هیئتجه تطبیق اولنه جقدر .

ماده : ١٣ اشبو قانونك تطبیقاتدن مرفوعیتی مجلس وكلا قرارینه مستند براراده سنیه متوقفدر .

ماده : ١٤ اشبو قانون تاریخ نشرندن معتبردر .

ماده : ١٥ اشبو قانونك اجراسنه هیئت وكلا مأمورددر .

مجلس عمومینك اجتماعنده قانونیتی تكلیف اولنق اوزره اشبولایحه قانونیه نك موقتاً مرعیتنی وقوانین دولته علاوه سنی اراده ایلدم .

١٦ ذی القعدة ١٣٣٤ ١ ایلول ١٣٣٢

محمد رشاد

صدراعظم وخارجیه ناظری وکیل
محمد سعید

شورای دولت رئیس و اوقاف همایون
ناظر وکیل

ابراهیم

شیخ الاسلام
موسی کاظم

نافعه ناظری

عباس

تجارت وزراعت ناظری وعدلیه ناظر وکیل

احمد نسیمی

داخلیه ناظری و حربیه و بحریه
ومالیه ناظرلری وکیل
طلعت

معارف ناظری و پوسته و تلغراف

وتله فون ناظر وکیل

احمدشکری

اخراجات هیئتی تشکیله متدائر ۱۶ ذی القعدة ۱۳۳۴ تاریخی قانون موقتک

تطبیقاتی حقنדה نظامنامه [*]

ماده : ۱. اخراجات نقطه نظرندن ممالک عثمانیه محصولاتی ایکیه تقسیم ایدلمشدر :

(۱) اخراجی احتیاج داخلیجه محذور تولید ایتیجه جک اولانلر شونلردر : آناصون ، لیمون ، پورتقال ، ماندارینا ، طاتلی لیمون ، طورنج وامثالی ، فستق ، چام فستق ، فندق ، یالکزیمن ولایتی داخلنده قهوه ، زیتون دانسی ، جویر ، نازهمیوه ، محصولات داخلیدن اولان بهارات ، آفیون ، ایپک وایپک منسوجات ، میان کوکی ، آریلق اوتی ، جهری ، کؤک بویا ، قیسی ، اریک وسائر یشیل وقوریسی ، سنامکی ، قدرت حلواسی ، خام چیوید ، حب اللذید ، چیچک وکل یاغی وصوی ، هرنوع عطریات ، رزینک احتیاجندن فضله اولان یاپراق توتون وتنباکو ، قوش می ، شکرله ، طاتلی صوجق وکوفته ، بادم وقیسی چکر دکی ، احتیاجندن فضله بالق بمورطهسی ، خاویار ، احتیاجندن فضله قوری بالققر ، کمیک ، بوینوز ، طرناق ، قوش تونی ، لوله طاشی ، مرجان ، حنا ، پچاوره ، خالی ، ال ایشلمه لری ، دانتلا ، طوزلی ویاش باغرساق ، میقا ، فیل دیشی ، کهربا ، ایپک قوزدهسی ، ایپک بوجکی تخم ، مشروبات کئولیه ، قالدیرم طاشی ، آینه لی طاش ، پلاموط ،

(۲) اخراجی احتیاجات داخله نین حصر وتضییق ایده بیله جک اولانلردر که بروجه آتی تعداد اولنور :

بغدای ، دقیق ، ایرمیک ، نشاسته ، بولغور ، مصر ، فصولیه ، نخود ، مرجک ، بقله ، بزلبا ، بوکروجله وجوبات سائر ، پتاس ، برنج ، یاغ ، زیتون یاغی ، صوغان ، طوز ، یکمز ، بال ، پاصدیرمه ، صوجق ، آرپه ، صمان ، یولاف ، کپک ، اوت ، وحیواناته مخصوص هرنوع اغدیه ، چهارپا حیوانات ، معمولات کیمیویه واسپنچیاریه ، صابون ، صغیردریسی ، قیمتی کورکلردن ماعدا غوجوق اعمالنه مخصوص هرنوع پوستلر ، یوگی آلمش قوری ویاش قویون وقوزی دریلری ، کراسته وهرنوع مالزمه انشائییه ، چوال ، حرار وامثالی ، معدن کموری ، قوق کموری وهرنوع فلزات معدنییه ، اسپرطو ، پترول ، خام پترول ، باکورا ، بنزین ، هرنوع ماکنه یاغی ، کهرچله ، یوک ، پاموق ، سیسام ویاغی ، خشخاش تخم ویاغی ، طحن .

[*] تقویم وقایع ایله نشری تاریخی : ۲۹ ذی القعدة ۱۳۳۴ و ۱۴ ایلول ۱۳۳۲ ، نوسرو : ۲۶۵۹

ایکی قسمه داخل اشیانک بر قسمدن دیکرینه نقلی تجارت و زراعت ناظرینک تکلیفی اوزرینه مجلس و کلاجه اتخاذ اولنه جق قرار موجبجه اجرا اولنور .

ماده : ۲ اشبو نظامنامه نقطه نظرینه کوره اخراجات تجارتیه علاقه دار اولان اشخاص اوچ صنفدر :

(۱) یدنده اخراجات مالی اولان مستحصلر و تجاردن اخراجات اشیاسنی مملکت داخلنده و اخراجات ایله مشغول تاجرلره صانلر ،

(۲) کرک عثمانلی و کرک اجنبی تاجرلردن طوغریدن طوغری به اخراجات ایله مشغول اولان و فقط یدنده مدخر اشیا بولمیانلر ،

(۳) طوغریدن طوغری به اخراجات ایله مشغول اولوبده یدنده مدخر اشیا بولنانلردر . اشبو نظامنامه نك تاریخ نشرندن اعتباراً برنجی صنفده بولنانلر صاتیلق اشیالری اولدیفنی اخراجات مرکز هیئته و هیئتک ولایاتده کی شعبه لرینه اشبو نظامنامه ده تعیین اولان شکلده بریپاننامه ایله بیلدیره جکدر ایکنجی و اوچنجی صنفدن اولانلر اشیا صاتین آلمق ایستدکلرینه دائر منحصرأ هیئته مراجعت ایلیه جکدردر .

ماده : ۳ اخراج ایتک اوزره ممالک عثمانیه محصولاتندن مبیاعانده بولنق آرزوایدنلر طوغریدن طوغری به اخراجات مرکز هیئته مراجعت ایده جکدردر .

ماده : ۴ اخراجی طلب ایدیلاان اموال برنجی ماده نك برنجی قسمنه داخل اولدیفنی تقدیرده مرکز اخراجات هیئتی اشبو نظامنامه ده معین اصول دائره سنده هر طلبک اخراج شرائطی تعیین و یا بایع ایله مشتری آره سنده مقاوله یی عقد و تنظیم و احکام مقاوله نك تطبیقی تأمین ایده جکدر .

اخراجی طلب اولنان اموال برنجی ماده نك ایکنجی قسمنه داخل اولدیفنی تقدیرده بوقسمده تعداد ایدیلاان محصولاتندن برمدت معینه ظرفنده اخراج اولنه بیله جک مقدار تجارت و زراعت ناظرینک تکلیفی اوزرینه مجلس و کلاجه تعیین اولنه جق و اشبو مقدارک اخراج اولنق اوزره صاتمق ایستیانلر و یا اخراج ایتک اوزره صاتین آلمق طلبنده بولنانلر و یا هر ایکسی آره سنده عثمانلی مستحصل و تاجرلریله مملکتک منافع اقتصادی سینه کوره توزیعی مرکز اخراجات هیئتی طرفندن اجرا ایدیله جکدر .

ماده : ۵ اشبو نظامنامه نك تاریخ نشرندن مقدم مبیاعه ایدلمش مدخر اشیاسی بولنان تاجرلرک سوق اولنق اوزره تحمیل ایدلمش اولان ماللری سربستجه چیقہ بیله جک ،

هنوز تحمیل اولنمیان مانئر ایسه اخراجات قانوننک بشنجی ماده سنه تابع اوله جقدر . فقط اشبو بشنجی ماده احکامنه تابع اولمق ایچون نظامنامه نك تاریخ نشرندن اعتباراً استانبولده برهفته وولایاتده اون کون ظرفده بر بیاننامه ایله هیئته ویا شعبه لره مراجعت ایدرک قید ایتدیرمک لازمدر . بومدت ظرفده قید ایدلماش اولان اموال اخراجات قانوننت نشرندن صکره مبايعه ایدلمش عد اولنه رق اخراجات مرکز هیئتی نظارتیله صاتیله جقدر .
ماده : ۶ بیاننامه ایله هیئته بیلدیریله جك اموالک نظر اعتباره آلمسی ایچون بر مقدار اصغری حد وضعنه هیئت صلاحیتداردر . هیئت حد اصغریدن دون مقداری محتوی بیاننامه لری ابطال ایده بیلور .

ماده : ۷ اخراجات اشیایی اولدیغنه دائر بیاننامه ویرمک او اشیانک هیئت طرفندن تعیین اولنه جق شرائط ایله بیغنه رضایی تضمن ایدر هیئت دلائیله یاپیلان بیعدن بالاخره نکول جائز اوله منر .

ماده : ۸ ممالک عثمانیه دن خارجه سفر ایدن واغونلرک تجارت خارجه ایچون ترک ایدیله جك قسمی مرکز اخراجات هیئتنک ترتیب ایده جکی لیسته صرهمسی اوزره تخصیص اولنه جقدر .

ماده : ۹ اشبو نظامنامه نك تاریخ نشرندن اعتباراً هر کون خارجه اشیای تجاریه نقل ایدن واغونلر وسائر وسائط نقلیه رسومات مدیریت عمومیه سی وسوقیات اداره لری ایله قومپانیه لر طرفندن اخراجات مرکز هیئته بیلدیریله جکدر .

ماده : ۱۰ اخراجات هیئتنک شعبه لری کندولرینه تودیع اولسان بیاننامه لرده مندرج اشیانک مقدار وکیفیتی وتسليم اولنه جنی ویا بولندینی بیلدیریلن محله موجود اولوب اولمדיنی نقطه لرندن صحتی بالتدقیق شایان وثوق عد ایتدیکی تقدیرده بیاننامه یی مرکز هیئته کوندرر . مرکز هیئتی کندینه تودیع اولسان بیاننامه لرک مندرجاتی بو خصوص ایچون تعیین ایده جکی مأمورین مخصوصه معرفتیه ویا شعبه لرندن تحقیق ایده بیلور .
ماده : ۱۱ اموالک حین تسلیمنده بیاننامه مندرجاتنه عدم توافقدن و اموالک معیب ویا نقصان ظهور ایتمسندن تعامل تجاری اوزره ترتیب ایده جك هر نوع ضرر و زیان بیاننامه یی ویرنلره عائددر .

ماده : ۱۲ بیاننامه لرده موزونات ، مکيلات ، مزدوعات و معدوداتک تجارتده تعامل واحد قیاسیسی اوزرندن مقداری؛ نمونه ، تحلیل ، تعامل و متعارف اورنک ویا

طائمش مارقه اساسلرندن بريله وصفی وهانکی قضا ومحلده اولدینی ، نروده بولندی .
نروده تسلیم ایديله جکی وکیمک تسلیمه مأمور اولدینی وهیئتک تعیین ایده جکی فیئات
اوزرندن صائلق اوزره بیاننامه اعطا ایدلیدیکی و بیاننامه ویرن کیمسه نک مستحصل ویا
تاجر اولدینی تصریح اولنه جقدر .

ماده : ۱۳ مقاوله نامه لرده صاتیلان اشیانک بیاننامه نومروسی بیاننامه ده مندرج
مقداری ، وصفیه نروده اولدینی وکیمک نروده تسلیم ایده جکی ، تسلیم ایچون مراجعت
تاریخندن اعتباراً قاچ کون طرفنده صاحب اشیانک تسلیمه مجبور اولدینی وتأخیر ویا عجز
تسلیمدن متولد ضرر وزیانک بیاننامه بی اعطا ایدنه عائد بولندی ، موزونات ، مکيلات ،
هزروعات ومعدوداتک تجارتده متعامل هرواحد قیاسیسی ایچون تقرر ایتدیریلان فیئات
ایله بیاننامه ده کی مقدارک مجموع ثمنی و ثمنک نه مقداری مقاوله نک حین عقدنده بایع نامه
هانکی بانقیه تودیع اولندی ، متباقی مقدار ثمنک تسلیم آننده تأدییه اولنه جنی ، تسلیمدن
صکره مشتری نک هیچ بر طلبده بولنه میه جنی ، اختلافات متحدثه نک اصول محاکمه حقوقیه
ذیلنک برنجی ماده سنده کوستریلان محللر محاکمندن بری ویا حکم معرفتیه حل وحسم
اولنه جنی وهیئت طرفندن لزومنه قرار ویریلان شرائط واحکام سائر درج اولنه جقدر .
ماده : ۱۴ مقاوله مشتری حضورنده هیئت طرفندن بالتنظیم مشتری به وشاید
وارسه بایعه ویا وکیلنه امضا ایتدیریلور . بایع طرفندن کیمسه بولندی تقدیرده بیاننامه لر
بایعک رضاسنه دلالت ایتک اوزره مقاوله به ربط اولتور . هیئت مقاوله نک کندی حضور
ونظارتیه یا پلیدیغی اشارت ایدره هیئت مهریه تحتم ایدر . مشتری ثمندن تأدییه سی
مشروط مقداری و اخراجات قانوننک اون ایکنجی ماده سی موجبجه مکلف اولدینی
رسمی تعیین اولنان محله تسلیم ایتدیکنی مصدق مقبوض ابراز ایدر . اخراجات هیئتی
مشتری به مقاوله نامه ده کیفیت وکیتی مندرج مالک اخراجی ایچون وثیقه ویریر .
ماده : ۱۵ هیئت اخراج ایديله جک اشیایه مقابل موادی ومعمولات اجنیه ادخالنی
شرط اتخاذ ایتدیکی تقدیرده ایجاب ایدن تأمیناتی مشتریدن طلب ایده جقدر . اخراج
وثیقه لرنده بوخصوص درج وتصریح اولنه جقدر .

ماده : ۱۶ مرکز اخراجات هیئتی دلالتیه یا پیلان مقاولاتده هیئت طرفین عاقدیندن
معدود دکدر . حقوق عقد بیاننامه اعطا ایدن ایله صاتین آلان اشیایه عائددر .
اخراجات هیئتی منافع عمومی اقتصادیه بی مؤمن اولان اخراجات قانونیه اشبو نظامنامه

احکامك عقد اوله جق مقاولاتده تحقیقی تأمین ایله موظفدر. اخراجات هیئته بیلدیرلمیان و آنک مساعدہ سی استحصال اولنمیان اشیا حدود خارجه چقہ من .

ماده : ۱۷ هیئت رئیسی اخراجات قانوننک و اشبونظامنامه نك هیئتہ تحمیل ایتدیکی وظائفی ایفا ایتک اوزره تشکیلات لازمه نی یامغه و بونک ایچون ایجاب ایدن مأمورینی تعیین و آنلره ویریله جک اجرتی تقدیره و تشکیلات و وظائف مذکورہ نك استلزام ایتدیکی کافہ مصارفی ایفایه صلاحیتداردر .

ماده : ۱۸ هیئت مخبراتی طوغریدن طوغری به اداره ایدر .

ماده : ۱۹ اشبونظامنامه تاریخ نشرندن معتبردر .

ماده : ۲۰ اشبونظامنامه نك اجراسنه تجارت وزراعت ناظری مأمورددر .

اشیولایحه نظامیه نك موقع مرعیتہ وضعی و نظامات دولته علاوه سنی اراده ایلدم .

۲۷ ذی القعدة ۱۳۳۴ ۱۲ ایلول ۱۳۳۲

محمد رشید

داخلیه ناظری و حربیه و بحریه ومالیه ناظرلری وکیل طلعت	شیخ الاسلام موسی کاظم	صدر اعظم و خارجه ناظری وکیل محمد سعید
معارف ناظری و پوسته و تلغراف وتلهفون ناظر وکیل احمد شکری	نافعه ناظری عباس	شورای دولت رئیسی و اوقاف همایون ناظر وکیل

تجارت و زراعت ناظری
وعدایه ناظر وکیل
احمد نسیمی

☆ ☆

۳۱۵ تولدیلردن خدمت مقصوره ایله جلب واستخدام

ایدیله جکار حقه نده قانون موقت (*)

ماده : ۱ اوچ یوز اون بش تولدیلردن مکلفیت عسکریه قانون موقتک قرق ایکسجی ماده سنده معین درجه تحصیل و وصولرینه برسنه قالمش اولدیغی حالده تحصیله مداوم

(*) تقویم وقایع ایله نشری تاریخی : ۲۹ ذی القعدة ۱۳۳۴ و ۱۴ ایلول ۱۳۳۲، نومروس ۲۶۵۹

بولانلر میاننده تشکلات بدنیه لری عسکر لکه الیریشلی اولدینی بالمعینه ثابت اولنلر و ماده مذ کورده معین درجه تحصیل داخل اولمش ایکن سوء حالک غیری اسبابدن دولایی ترک تحصیل ایلش اولدقلرینی اثبات ایدنلر میاننده کذلک تشکلات بدنیه لری عسکر لکه الیریشلی اولدینی بالمعینه ثابت اولانلر کوستره جکلری لیاقته کوره احتیاط ضابطی و یا احتیاط کوچک ضابطی اوله رق یتشدیرملک اوزره جلب وسوق اولنه بیله جکدر .

ماده : ۲ بوقانون تاریخ نشرندن اعتباراً مرعی الاجرادر .

ماده : ۳ بوقانونک اجراسنه حریبه ناظری مأمورددر .

مجلس عمومینک کشادنده قانونیتی تکلیف اولنق اوزره اشبولایحه قانونیه نک موقتاً موقع مرعیه وضعی وقوانین دوله علاوه سنی اراده ایلدم .

۲۷ ذی القعدة ۱۳۳۴ ۱۲ ایلول ۱۳۳۲

محمد رشاد

صدر اعظم
محمد سعید

حریبه ناظری وکیل
طلعت



قواخانه عالی مقررات قضیه سی

✓ مفله سنجاقی محکمه شرعیه سندن اعطا اولنان ۸ جمادی الاولی سنه ۱۳۳۴ تاریخلی اعلامک اسباب نقضی :

اعلام مذ کورده مبلغ مدطاً به مذ کورک قرضاً و یا امانه ویرلدیکی استیضاح ایدیلهرک صورت اعطانک تعینیه دعوانک توضیح و تصحیحنه اهتمام ایدلماش اولدینی کبی حیوایات مذ کورده دن وجه محرر اوزره عقد ایدیلان صلحک صحتنده بدل صلحک مجلس صلحده قبضی مشروط اولدینی حالده بوجهت دخی نظر دفته آلتماش اولدیغندن توقيع قلنان حکمده صحت واستقامت غیرمنفهم و سبکی نقصان و خللندن غیر خالیدر .



✓ خلیل الرحمن قضاسی محکمه شرعیه سندن اعطا اولنان ۲ ربیع الاخر ۳۳۴ تاریخلی اعلامه تحریر ایدیلن ایجاب :

اعلام مذ کورک نتیجه مالی اون لیرانک تسلیمیه الزام حقنده اصولنه موافق اولوب